

<><><><><><>

एह आकाशवाणी जम्मू ऐ, हुन तुस श्रुति खजूरिया कोला खबरां सुनो।

CM-Omar Abdullah

जम्मू-कश्मीर दे मुखमंत्री ओमर अब्दुल्ला होरें कल नमीं दिल्ली च उपराश्ट्रपति जगदीप धनखड़ हुंदे'नै मलाटी कीती। ओमर होर सरकारी दौरें दे तैहत ऐल्लै नमीं दिल्ली च न ते अगले द'ऊं दिनें दरान ओह् राश्ट्रपति द्रौपदी मुर्मु ते खजाना मंत्री निर्मला सीतारमण हुंदे कन्नै बी मलाटी करडन। उंदा एह दौरा केन्द्र सरकार दे कन्नै तालमेल बधाने दी जम्मू-कश्मीर सरकार दी वचनबद्धता गी दर्शादा ऐ। अपने दौरें दरान मुखमंत्री ओमर अब्दुल्ला होरें जंदी 12 नवम्बर गी राज्यें ते केन्द्र शासित प्रदेशें दे बिजली मंत्रिण दे सम्मेलन च हिस्सा लैता हा जेहदी प्रधानता केन्द्री बिजली मंत्री मनोहर लाल खट्टर होर करै करदे हे। सम्मेलन दरान ओमर होरें पनबिजली दी पैदावार लेई अपने दरेयाणं दी पूरी समर्थ दा इस्तेमाल करने च जम्मू-कश्मीर गी पेश आवै करदी चुनौतिणं बारै बी प्रमुखता कन्नै अपने विचार सांझे कीते हे।

<><><><><><>

Kulgam-Encounter

जम्मू-कश्मीर दे कुलगाम जिलें च Sudhsona Behibag च सुरक्षाबलें इलाके गी घेराबंदी करियै तपाशी अभियान परतियै शुरू करी दिता ऐ। कल दपैहरी बी इलाके च सुरक्षाबलें ते आतंकवादिणं बश्कार गोलीबारी होई ही। पुलस सूत्रें दस्सेआ जे बाद्दू नफरी गी सददेआ गेआ ऐ तां जे आतंकवादी नस्सने च कामयाब नेई होई सकन। अधिकारी मूजब घेराबंदी आहले घेरे गी होर बी मजबूत बनाया ऐ। होर ब्यौरे गी अजें बलगेआ जा'रदा ऐ।

<><><><><><>

Jhiri-Mela

10 रोजा चलने आहला सालाना झिड़ी मेला जम्मू-अखनूर राश्ट्रीय जरनैली शिड़कें पर जम्मू थ्वां कोई 20 किलोमीटर दूर बाहरले इलाके झिड़ी गां च अज्जै थ्वां शुरू होआरदा ऐ जेड़ा 24 नवंबर तगर जारी रौहग। जम्मू-कश्मीर दे उपराज्यपाल मनोज सिन्हा होर 16 नवंबर गी मेले दा औपचारिक उद्घाटन करंगन। एह मेला हर बरे कार्तिक पुण्णया पर झिड़ी गां च आयोजित कीता जंदा ऐ जेदे च बाबा जित्तो हुंदी सुच्ची सम्हालै च मनाया जंदा ऐ। मेले च पूरे मुख्य ते विदेशें थमां लक्खां बद्धे श्रद्धालु शामिल हुंदे न। इस मेले च तकरीबन 20 लक्ख श्रद्धालुएं दे हिस्सा लैने दी मेद ऐ। एह मेला 16मीं सदी दे डोगरा नायक ते क्रांतिकारी करसान बाबा जित्तो हुंदे सर्वोच्च बलिदान कन्नै जुड़ी दी सुच्ची सम्हाला च मनाया जंदा ऐ। उन्नै बेन्यायी दे खलाफ लड़ाई लड़ी ते इलाके दे जिर्मीदार आसेआ धोखा दिते जाने दे बाद जगीरदारी नजाम दे खलाफ अवाज बुलंद करदे होई अपने जिंदु दा बलिदान देई दिता। लक्खां बद्धे श्रद्धालु बाबा जित्तो होरेंगी श्रद्धांजलि देने लेई झिड़ी गांs औंदे न। एह मेला समाज च एकता, ईमानदारी, सच्चाई, दलेरी ते मासूमियत गी बढ़ावा दिंदा ऐ ते इलाके दी समृद्ध संस्कृति दा बी प्रतीक ऐ। मेले च ऐगती तकरीबन 20 लक्ख लोकें दे औने दी मेद ऐ, जेहदेनै एह सरकारी मैहकमें लेई ग्रामीण आबादी गी लाह पुजाने आहली योजनाएं ते कार्यक्रमें गी सक्रिय रूप कन्नै बढ़ावा देने दा मौका बनी जाग। बक्ख-बक्ख सरकारी विभागें आसेआ कल्याणकारी योजनाएं दी जानकारी प्रदान करने लेई खास पंडाल स्थापित कीते जा'रदे न। एह आयोजन मुकामी कारीगरें गी बढ़ावा देने ते जम्मू-कश्मीर दे बाहै थमां औने आहले श्रद्धालुएं गी इत्थुं दी पारंपरिक कलाएं बारै जानकार बनाने दा इक अहम मंच बी ऐ। एह आयोजन नां छड़ा मुकामी कृषि लेई सगुआं जम्मू दी सांस्कृतिक विरासत गी प्रदर्शित करने लेई बी मता महत्वपूर्ण ऐ।

<><><><><><><>

UT-Administration

डेयरी सैक्टर गी बढ़ावा देने लेई केंद्र शासित प्रदेश दे प्रशासन नै 3 जहार डेयरी फार्म कायम करने दा लक्ष्य रक्खेआ ऐ। इन्नै 3 जहार डेयरी फार्में दे खुल्लने कन्नै दुधै दी पैदावार ते होरनें सरबंधत चीजें लेई उपलब्धता बदी जाग। केंद्र शासित प्रदेश दी सरकार नै पैहले गै डेयरी गी बढ़ावा देने लेई खिते च केई सारी स्कीमें दी शुरूआत कीती ऐ। दुध दी पैदावार 25 लक्ख मीट्रिक टन थ्वां 45 लक्ख मीट्रिक टन होई जाग। दुध गी किट्ठा करना ते उसी ठंडा रक्खने आहली समर्थ बी 2 लक्ख थ्वां बधियै साइडे 8 लक्ख लीटर रोजै स्हाबै होई जाने दी मेद ऐ। स्कीम आहले जत्न दी शुरूआत बी होग जेड़ियां 6 लक्ख गौएं लेई चारा ते होर दुए कम्में गी दिक्खडन।

<><><><><><>

MIB-NFDC

सूचना ते प्रसारण मंत्रालय दे राश्ट्रीय फिल्म विकास निगम एन.एफ.डी.सी ते मनोरंजन सोसायटी गोवा दे सहयोग कन्नै औंदी 20 विं 28 नवंबर 2024 थ्वां गोवा च 55में भारतीय अंतरराश्ट्रीय फिल्म उत्सव दा सरिस्ता करा'रदा ऐ। आकाशवाणी जम्मू संवाददाता दी रिपोर्ट मूजब एह् फिल्म उत्सव पणजी च लग्गोग। इस बरे एहदा विशे सार ऐ युवा फिल्म कार। इस बरे Best Debut of Indian Feature Film गी 5 लक्ख रपे दी नकद राशि ते प्रमाण पत्र दिता जाग। एहदा मकसद भारत दे युवा हुनर गी बढ़ावा देना ऐ। इस दौरान 81 मुल्खें दियां 180 अंतराश्ट्रीय फिल्मां दस्सियां जाडन जिंदे च 15 World Premieres शामल होडन।

<><><><><><>